

Narsami aammalu Kullorsuarmi ilaqtariinnut siunnersortit ukiut marluk suligasuartussanik Naalackersuisut aallarnisaanissamut peqquneqarnissaanik Inatsisartunut aalajangiiffigisassatut siunnersuut. Suligasuarnarit naammassippata naliliiffigineqassapput, nunatta sinneranut siammarneqarsinnaanersoq nalilersornissaanut siunertaralugu.

(Inatsisartunut ilaasortaq Nivi Olsen, Demokraatit)

Akissuteqaat

(Meeqqanut, Inuusuttunut Ilaqtariinnullu Naalackersuisoq)

Siullermeerneqarnera

Aalajangiiffigisassatut siunnersuummut saqqummiunneqartumut Naalackersuisut qujapput. Ilaqtariit ataatsimoorfiusutut qaninnerpaajusut nukittunerpaajusullu siunnersuuteqartumit oqaatigineqarmat Naalackersuisut isumaqatigisorujussuaat. Taamaalillutimmi ilaqtariit toqqissisimasut ingerlalluartullu meerartatsinnut tunngavissiilluarnermikkut meeqqat peqqilluarlutik nukittullutillu peroriartornissaannut qulakkeerinnittuupput.

Naalackersuisut *Angajoqqaat meeqqaminnik sumiginnaasarnerat akiorniarlugu nuna tamakkerlugu Naalackersuisut iliuusissatut pilersaarutaat 2020-2030-mi meeqqanut ilaqtariinnullu qanimut pitsaaliuisumillu suliassaqarfik aamma qitiutinneqarpoq. Tassunga tunngatillugu pisortat neqeroorutaat qanimut avatangiiserisani neqeroorutigineqassasut kiisalu pisortat ujartuinerullutillu pitsaaliuinerunissaat ilaatigut pingaartinneqarput. Tamatumunnga suliniut NUIKI innersuussutigisinnaavarput.*

Soorlu siunnersuuteqartup tikkuaraa ilaqtariinnut sullissiviit ilaqtariinnullu illut 16-it nuna tamakkerlugu siammarsimasumik inissisimasut. Ilaqtariinnut sullissivinni ilaqtariillu illuini suliassatigut siunertarineqartut tassaapput meeqqat angerlarsimaffiup avataanut inissinneqartarnerisa pinaveersaartinnissaat. Suliassaqarfimmi nalilersuinermi/misissuinermi 2022-meersumit, ilaqtariinnut sullissiviit taamatullu ilaqtariit illuini neqeroorutit ersarinnerusumik sukumiinerusumillu nassuiaasersortariaqartut takutippaat. *Kalaallit Nunaanni meeqqanut inuusuttunullu pitsaanagerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneranni ilaatigut tunngaviusumik ataatsimoorussamik ilisarnaat ineriartortinneqarpoq, tamatumani meeqqat taakkualu ilaqaasa ilaqtariinnut sullissivinnit pisariaqartinneqartumik ikiorneqarnissaat tapersersorneqarnissaallu ajornannginnerulernissaat siunertaalluni.*

Kommunini tamani ilaqtariinnut sullissiviit ilaqtariillu illuini ammasumik siunnersuisarnerat, soorlu ilaqtariinnut suliamik ingerlataqarfiunngitsuni neqerooruteqartarneq misissuinermi 2022-meersumit erserinneqarpoq. Siunnersuuteqartup ilaqtariinni atugarliorfiunngitsuni ilaqtariittut nukittorsarneqarneq, iltsersorneqarneq taamatullu meeqqat toqqissisimasumik avatangiiseqarnissaannut ilapittuutaasinnaaneranik kissaateqarnera pioreerpoq.

Meeqqanut, inuusuttunut ilaqtariinnullu suliassaqarfinni ilaqtariinnut sammisumik qitiutitsinerup saniatigut pitsaaliuinermut suliniutit aamma pitsaanerulersissavagut. Namminersorlutik Oqartussat kommunit peqatigalugit isumaginninnikkut suliagarneq soorlu ilaqtariit atugarliortut siusinnerusukkut sumiissusersinissaannik suliagarput, taamaalillutik

tamakku pisariaqartitaminnik piaarnerpaamik ikiorserneqarlutillu
tapersersorneqarniassammata.

Ilaqutariinnut siunnersuisarneq kommuniq suliassaraa.

Naalackersuisut ilaqutariinnut sullissivinni sulineq tapersersorpaat aamma meeqqanut, inuusuttunut ilaqutariinnullu susassaqarfimmi aningaasat pitsaanerpaamik iluaqutaasinnaaneri najukkami ilaqutariinnik sullissereersut piginnaasaat patajaallisarnersigut atorneqarsinnaasut tikkuarlugu. Tamanna siusissukkut pitsaaliuinermik suliniutit qitiutittuarnissaat pingaaruteqarpoq.

Matuma qulaaniittut aallaavigalugit Narsami aamma Kullorsuarmi ukiuni marlunni suliniutip aallartinneqarnissaa pillugu aalajangiiffigisassatut siunnersuut, ilaqutariinnik coacherisarneq, akuerineqassanngitsoq Naalackersuisut inassuteqarput.